

黎氏家集

二



鈴石齋

詩鈔

序

記曰溫柔敦厚詩教也顧業斯術者苟非讀書窮理陶淑性情則發為歌詠其能不悖聖教歟昔黼備員史館竊聞聶蓉峯前輩指屈中外能詩者流甚稱黎君雪樓經術詩文不置口未幾君侍其尊人靜圃先生宦東魯來遊

闕下遂成進士始與君識面訂交焉每值攜酒登臨商榷今古意興所到落筆千言灑灑洋洋不可一世私心竊慕為不可及久之君奉

命宦浙東余亦出守播郡中間宦海浮沈蹤迹相左追

念往昔輒以未得罄其所蘊為慊戍戍冬黎君來宰敝  
邑覲面未久復運京銅北上展

覲歸來始得與君樂數晨夕君以縣舊無志囑余創稿  
時過從商論旁及詩詞因以拙稿懇其刪訂君亦出古  
今詩文相示披誦之餘見其波瀾壯濶雅健清深自非  
明理達道博通風雅者奚能望其肩背哉然君猶謙抑  
自下恆謂其詩不足傳又以外吏未獲登

閩苑侍

廟堂載筆從容與朝士大夫歌詠承平潤色鴻業為己  
恨則知其蘊蓄於中而未盡洩露者正多也蓋君自少

至老好學不倦尤博通漢宋諸儒之學而涵養深邃有  
儒者風故發為詩歌一本于性情之正而纏綿惻怛初  
無噍殺之音是卽所謂溫柔敦厚者在是也得謂其詩  
不足傳耶君泣任數年勤民故事不擾不煩教人以敦  
倫飭紀為先課士以窮經致用為實醇儒循吏合而為  
一詩特緒餘焉耳黼雖不文然與君交歷數十年知君  
頗深今又樂得讀君詩遂為書其梗概如此道光乙巳  
秋大姚劉榮黼



鈴石齋詩鈔卷第一

遵義 黎恂 雪樓

齋中詠懷

古人不可作迺以其書傳文章壽萬世日月懸中天後  
儒闡厥蘊紛綸注與箋浩如煙海中猥欲勤鑽研飲河  
類齮鼠雖飽亦涓涓便腹五經笥吾慙邊孝先

讀書固貴多尤當領其要精華旣采擷糟粕直須埽曼  
衍彌支離心力枉消耗搖搖無終薄翻似風中燵窮經  
實荒經甘為識者誚因念百家言置之可勿道

宣子稱好學茅茨常不完元亮善屬文簞瓢有餘歡士

虫石齋詩金卷一  
一  
苟自振勵何妨處饑寒蕭然環堵中俯仰天地寬攻苦  
得至樂所獲良已殫區區計科名志乃不足觀

夏日晚飲席上作

漠漠輕陰近粉牆小軒幽寂晝凝香谿風乍到埽殘雪  
山雨忽來生晚涼蘭席流芬佳果薦綺窗浥潤素琴張  
酒尊茗椀情何限醉倚闌干話夕陽

旅夜

夜闌翻不寐斜月照街西乍吠別邨犬時聞茅店雞枕  
邊寒漏寂窗外曉光迷便欲驅車去前程趁馬蹏

省谿



野渡人歸去，殘陽照別邨。  
洲前芳草合，水際亂雅翻。  
黍登場晚，牛羊下嶺昏。  
遠征何處客，惆悵黯銷魂。

舟中雜詠

灘險石成堆，灘聲吼若雷。  
巨桴排陣下，高浪破空來。  
纜重牽還伏，船遲往復迴。  
洶洶真駭絕，直使寸心摧。

夜泊

夜靜涼初覺，船頭獨卧看。  
星光沈水碧，雲影照波寒。  
客喜漁歌肅，秋隨鳥夢閒。  
鷓鴣腥氣過，幽火下前灘。

阻風傅家磯

繫纜臨江渚，長空雁影過。  
夕陽明遠水，秋草動涼波。  
客

舫停如蟻君山望似螺雲帆高挂好無柰北風多

夜過洞庭

菰蒲夜靜聞刁調船舫響夏風蕭蕭起看明月滿湖白  
天垂大野澄秋宵長年鼓柁聚羣力張帆直下乘怒濤  
湖光月色兩相映茫然萬頃圍周遭太虛元氣或動盪  
風波泱泱魚龍高水天上下渺無極君山一點凝纖毫  
是時星斗正澄澈雲君長嘯山鬼號湘妃歌舞出遊戲  
金支翠旗光動搖帶雲霞兮紉蘭佩珊珊輕舉羅裳飄  
凌波為鼓水仙操羣靈合沓紛逍遙我駕萬斛舟手持  
碧玉簫乘風破浪杳然去蒼然勢欲凌丹霄將過鶴樓

招仙子擬騎鰲背尋金焦九疑縹緲不得近蒼梧雲氣  
浮清寥夜闌月落星斗溼洪濤春拍迴商飈船人擊鼓  
東湖泊曉光波影連魁杓湖頭大叫吹笛叟仰天痛飲  
歌離騷

樊城河中

小艇衝煙去遠津輕風生浪細鱗鱗萬山潭水清如許  
不見當年解佩人

涿州題壁

旅店一杯酒衝開萬丈愁黃塵遮涿鹿白日澹幽州冒  
冷驕驕馬蒙寒貂鼠裘皇都離咫尺含笑過盧溝

往通州

葦斷荷枯處寒風似裂繒遙林齊落葉野水漸生冰短  
袖衣裳薄長途酒價增官齋容下榻吟賞試挑鐙時偕趙蘆

洲太守應汪東序  
府丞招閱府試卷

花朝節河間道中

千里平沙客路紆曉晴天氣澹煙鋪橋頭流水冰初解  
陌上春風草欲蘇積潤雨從前夜下衝寒酒向別邨沽  
行程屈指花朝節可惜看花卻又無

秦淮水榭次王漁洋先生韻

涼風高柳水東頭十里清淮映月流南渡笙歌空舊院

白門煙樹鎖危樓，天垂淨宇澄澄夜。  
潮落寒沙瑟瑟秋，何處疏燈猶賣酒。  
後庭花唱起人愁。

丹徒鎮船行擁擠有作

大船嘈嘈排艨艟，小船戢戢相撞搗。  
船多水淺紛擁擠，前路窄狹不可通。  
榜人撐篙進復卻，終日掀簸泥淖中。  
不及岸前手車子，一推一輓走如風。

遊金山寺次東坡先原韻

南瞰潤州北維揚，西望秣陵東滄海。  
江心樓觀峙崢嶸，玉帶山門至今在。  
開山憶自裴頭陀，黃金氣涌浮江波。  
從此山靈擅名勝，琳宮梵宇巍然多。  
我來登覽偶停楫。

第一泉邊已斜日拾級初攀石磴危朱闌色映殘霞赤  
上凌絕頂動心魄浮圖倒影半江黑亭前四顧皆空明  
一聲長嘯魚龍驚老僧見面如舊識為我指示殿中物  
我謂山僧常住山講經應化頑石頑中流砥柱不可已  
莫使此山飛去蓬萊水

山麓石碣刊中  
流砥柱四大字

雨後涼甚

翛然一雨灑銀河洗淨塵居竹樹窩小李谿山如畫好  
高梧庭院得秋多潤餘屋角疏疏網涼透江心瑟瑟波  
石隱難成成吏隱澹然踪跡憶巖阿

觀濤行

餘杭勝概非西湖錢塘潮水天下無江流三折來盤紆  
海水逆上搖蓬壺鼈子疊旁沙石麤夾以龕赭兩峰孤  
迫束水勢不得踰靈潮到此翻奔趨誰謂神者楚國胥  
朱旗白馬虬髯須手提文種劍屬鏤臂挽強弓金僕鈇  
拍浮波面方浩呼隨從水犀甲萬夫掀波助浪鼓隴胡  
怒濤洶涌驚鷗鳧亘如山嶽排岨嶮奮如雷霆鞭濁鯨  
堅如重壘森車徒勇如三軍摧朽枯前引蛟龍紛吐珠  
後擁太白仍援抱銀濤滾滾雪練鋪聲喧萬鼓沈千桴  
澎騰奮激走且驅長魚巨鰐皆逃逋混混庇庇連尾閭  
汨汨瀟瀟來灌輸逆流千里爭須臾歸神曰毋聊踟躕

卓然奇觀狀名區一洗從前拘與迂  
開拓胸腑振襟裾霍然病已良  
非誣仰天長嘯歌吳歛怪異詭  
觀誠難摹含毫授簡煙墨濡待  
延枚叟其可乎

久旱禱雨作

五日不雨澤少濡十日不雨苗將枯  
况乃兼旬雨俱無田水焉有不涸乎  
桐谿百里藐一隅東南沃壤泥惟塗  
春郊漲滿唬鷓鴣梅雨蒸靈浸陂湖  
夏秋以來水不敷驕陽日日熏洪鑪  
高田低壠艱灌輸桔槔翩聯響菰蒲  
連塍龜坼成青蕪雲霓之望愁農夫  
南村北村集師巫鏜其擊鼓笙以竽  
野祠荒社紛告呼若崩厥角流汗趨



咨余作宰慙牧芻恪遵典禮虔修雩伏龍嬾起如逃逋  
投淵竟欲煩於菟浹旬請命帝不俞昭回長仰雲漢圖  
吏實不臧民何辜蘊隆蟲蟲徒嗟吁焉得疾雷飛電驅  
傾倒江海人其蘇秋禾告登稻荼鋪田家香飯炊雕胡  
打門豈勞吏催租簫管報賽神歡娛訟簡刑清百無虞  
祝 聖人壽歌康衢

丁丑中秋與子元

愷

弟翫月桐鄉官舍時雨

大

人已諷吉還里令子元侍行團聚未久又動離情  
對景言懷感念今昔成詩一首送其南行并誌別

况

萍梗忽然聚官舍仍他鄉今夕果何夕對此明月光碧  
天片雲捲半空風露涼舉杯共吟嘯巡檐步修廊長歌  
復憶舊令我不能忘往者癸酉秋逆徒勢鷓張於陵逼  
孔道軍書絡繹忙旁午劇供億峙芻蕘糧懷衛曹兗  
閒兵戈紛搶攘音書斷南北荆棘阻關梁傳聞到故土  
風鶴徒驚惶烽煙靖河朔消息終茫茫子迺省親來修  
途走踉蹌遠自天萬里趨庭齊魯邦暮宿邨店月曉行  
沙岸霜疲驢戴破帽顏色悲蒼黃見面相慰藉暫解琴  
書囊浹旬話往事痛飲為感傷我旋試禮部恩恩整行  
裝與子倏分手公車趨虎坊南宮忝報捷帖寫泥金香

一麾令出宰籤掣禦兒疆都門壯行色省覲還武強官  
齋復聚首風雨眠對牀時方值中秋戲綵娛高堂三五  
皓月盈聯吟飛羽觴樂哉共晨夕歌詠鏗而鏘秋杪始  
告別需次來錢塘一官便羈絆溷入名利場及山奉檄  
至鉛刀試新鋸板輿迎老母嘗羹初願償子將母來諗  
乘風上吳航旣來旋卽去依依離別腸今年夏五月麥  
熟斯民康嚴君亦解組觀政來東方公餘承笑色循陔  
樂未央兄弟予與汝攜手何徜徉睹棊坐短榻射鶻倚  
叢篁聽琴辨宮羽鬪茶煮旗槍宵分猶覓句好詠詞琅  
琅樂處三月餘意興為飛揚涼秋屆清節木落雁南翔

石齋詩金卷一  
一  
吾親擬歸去故園松菊荒子亦將隨侍檢點征衣裳相  
聚又云別我心實傍徨子今向南去水遠山復長輕舟  
上巖瀨飽帆度鄱陽鳴舷過章瀨穩柁凌瀟湘黔雲指  
歸路敔隘千疊岡長途侍二老所賴相扶將歸當稍料  
理努力事縹緲讀書討精蘊用古去糝糠風雲會有時  
天衢騰驪驪慎勿懈厥志遠人深所望我今滯薄宦神  
馳水竹莊送行在旦夕念切梓與桑感此良久立芳階  
零露灑河漢西北斜圓月明粉牆團圞快今夕且復斟  
瓊漿

題李橋東挂帆歸養圖

神仙中人不易得宦海茫茫思退息十年作宰親猶存  
陳情歸去樂何極使君才調劇翩翩治民不用懸蒲鞭  
績奏循良課報最錢清江上政聲傳東浙南滇家萬里  
高堂久已違甘旨幡然乞養拂衣歸一片遐心寄秋水  
大江蒼茫風怒號煙波泱泱魚龍高十幅蒲帆飽張滿  
輕舟南上凌洪濤洪濤拍岸迷雲樹征程記取昆明路  
為想中流鼓柁時扣舷定有驚人句洞庭巴陵道阻長  
點蒼遙望煙蒼蒼澧蘭沅芷引歸櫂伊人遠在天一方  
故園松菊欣相見到門得遂還家願上堂嘉慶色怡怡  
八十老親猶健飯吁嗟乎人生適興山林好富貴終須

致身早况是庭幃愛日長欲報春暉惟寸草羨君恬澹  
媿古人板輿花外奉慈親羨君急流知勇退一琴一鶴  
伴閒身我亦鄉關遙企慕子舍神馳渺何處區區祿養  
媿蘭陔徑擬隨君挂帆去

泊舟鴛鴦湖納涼卽事

瀕湖面面接波光紅藕花開水亦香  
鷓鴣蜻蜓隨處有更無三十六鴛鴦

蘆葦叢中好駐橈  
橫塘人趁晚涼招賣魚艇子衝煙去  
撐過春波門外橋

嘉禾歸舟漫興

高柳官塘路風涼送客行歸舟雙漿速落日萬蟬鳴對  
此谿山樂澹余簪組情何時脫塵鞅謝病去躬耕

石門舟中

艤櫂黃昏後空江鎖翠微鐘聲聞野寺鐙影露柴扉鳥  
語林桑靜星扶釣艇歸可堪波上月留影照人衣

石鼓歌次韓昌黎先生韻

燕京太學有石鼓我欲次韻重作歌昔賢名作固已夥

區區鄙意將云何韓愈張懷瓘韋應物蘇軾及鄭樵馬

定國董道異議紛起如操戈就中我取程大昌說愛其

著論永不磨繫昔成王嗣文武飯章孔厚同星羅負依

家相爲几几奉璋髦士冠峩峩歌詠太平雅頌作閑馳  
車馬遊卷阿商奄小腆乃不靖王赫斯怒煩誅訶大蒐  
岐陽講武事東征亦以懲民訛從臣紀績鐫獵碣損益  
古文變蚪蚪其高二尺徑一尺儼似辟離排逢鼃蛟螭  
盤結鬱奇崛瓊樹燦爛交枝柯斷痕隱約類折股遍勢  
飄舞疑飛梭左驂右驂句古雅舫舟維舟辭委蛇自甲  
至癸其數十負之不必勞夸娥以此上追軒頡書比漢  
有潛江有沱陳倉三徙竟北去東都舊物悲保和有元  
皇慶移國學尊與彝鼎為同科剔金鑿白終不泯紛紛  
摹拓何其多始知至寶鬼神護絕勝詛楚祈亞駝山林



廊廟隨位置，歷劫視若飄。風過吁嗟後，儒各聚訟黨。同

伐異相切磋，不思考古貴。有據未可附，影同流波中。興

撰刻固臆度。韓蘇張 毆丞疑義尤偏頗。鄭樵以鼓文毆

斤秦權疑為秦惠 此鼓定為成周物。椒舉叔向語非他

載在春秋內，外傳元凱所注無媿嬰。左傳昭四年椒舉

岐陽之蒐杜預注成王歸自奄大蒐於岐山之陽國語

晉叔向曰昔成王盟諸侯於岐陽楚為荆蠻置茅蒨程

氏大昌董氏道引以為據定 當時追琢制渾厚，番吾之

迹恆摩挲。董氏云宣王蒐岐陽後世無聞方成康與穆

王大會諸侯此為番吾 數千百年歷顯晦，到今竒字供

吟哦。地球拱壁未足擬，豈特能換山陰鵝。惜哉剝蝕已

大半僅如商頌存猗那薛文斑駁字漫漶鼓亦閱世多

輾軻流傳不朽實幸事獲與篆籀為先河王氏案摹勒汝帖倉頡夏

禹欸識之後次以石鼓然後列史籀書及大小篆未嘗以鼓文為籀書也戟門森列宜萬世

甄樞扁鐫無蹉跎

### 祝三姊壽

今日秋氣清金風吹肅肅我母設悅辰初吉旦云穀我

姊亦瑞生與母為同物母既賢且慈姊復惠而淑緬懷

我初生母氏勞鞠育我姊共提攜乃健如黃犢倏忽數

十年人事幾翻覆母化彩雲歸終天感風木姊亦白髮

垂大衍數已足我齒雖未衰顏齡漸次逐同是無母人

思之淚盈掬今晨我夙興堂前獻醪醑遺像空敬瞻九  
頓首而哭還持一杯春恭為吾姊祝願姊長壽康桑榆  
膺景福以姊半世勤天應畀爾祿維姊有佳兒雋比昆  
山玉蔚然 王國華虎頭飛食肉生兒苟如此亦云遂  
所欲作詩以待之使歸同一讀

與鄭雅泉

文清

姊丈飲酒

草色苔痕地公然君子居共看花灼灼不礙雨疏疏出  
甕三升酒登盤二寸魚與君拌一醉佳氣正充閭

時新  
生外

孫  
女

自歎

不覺老將至二毛頭上侵  
輕才等樗櫟塵迹寄山林  
已乏資身策猶存報國心  
鉛刀曾一試韜影到如今

病起書懷

空房著個病維摩拄杖居然老  
橐駝僕解燒香何用喚  
兒能搗藥不須訶扶持清興添  
詩思棖觸閒情起睡魔  
秋水一篇琴一曲藉他消遣此  
沈疴

厭聞屋角叫山禽習靜齋居無  
自心短夢迷離忘鶴徑  
峭寒珍重護鴛衾強扶病體書  
堆案感念亡兒淚滿襟

忽忽光陰春過半沈腰清瘦到  
如今

三男兆熊  
歿於正月

今朝痛定我猶思勺水難勝記  
爾時環泣以臨嗟骨肉

挾醫而至感親知幾同翦鵠何其苦誰識丸熊竟可治

多事更闌辦香者

謂子元子尹

為余上下禱神祇余病喉塞百藥罔效

七日飲食俱阻友人予熊膽末以竹管吹入喉頃刻清涼痰火下降病遂痊

### 山房聽雨

綠篠千竿種後坡殷勤灌溉累如何今宵一例知時雨  
恨不偏於竹町多

農事相關夜不眠擁書猶坐小窗前明朝早飯呼奴子  
去墾西谿塔塢田

### 四思篇

我所思兮洞庭漲際天兮湖水平昔鼓柁兮沅江招帝

子兮湘靈駕一葉兮扁舟渺君山兮青青醉岳陽兮仙  
醪采芳洲兮杜蘅波震蕩兮千里連雲夢兮巴陵悵路  
長而不得至今徒遠望兮勞神

我所思兮嘉渝蜀江會兮水勢麤昔鼓柁兮眉陽下青  
谿兮奔趨望烏尤兮九峯登凌雲兮欽嶇蒙與沫兮交  
注江山秀兮名區瞬龜亭兮義魚船頭歌兮巴歛悵路  
長而不得至今徒憶遠兮長吁

我所思兮京口水拍岸兮天地走昔鼓柁兮桐谿挂歸  
帆兮南斗沂海門兮金焦龍與鼉兮夜吼朔風勁兮涌  
潮水倒垂兮鷓首吁海濶兮天空登江樓兮載酒悵路

長而不得至今徒勞思兮望久

我所思兮錢塘左江海兮右湖光昔鼓枻兮桐江下七里兮驚瀧富春山兮送漿指海門兮汪洋捲銀濤兮白馬橫島嶼兮蒼涼余曾此兮勾留步蘇隄兮綠楊悵路長而不得至今徒惓念兮徬徨

茅亭初成詩以落之

亭濶六尺四角方尖頂矗立當中央瓦代以茅椽以竹不雕不琢都無妨亭前有樹松枝密亭下有沼荷花香迤接蒲桃陰旁連薜荔牆甘蕉五六本夏木數千章四圍竹影互遮蔭此亭乃在中間藏可以避雨可以納涼

可以賭碁可以行觴清風明月不用一錢買大好科頭  
箕踞閒徜徉惜無羊仲裘仲共來往未免淵明先生三  
徑荒

酸菜詩

豈不願食花豬肉豈不愛啖黃雞粥物力艱難不易致  
但求一飽便捫腹自從我賦歸來今年年寒菜種一畦  
冬春之際無他物惟此澹味攪鹽醃霜晨小摘仍含凍  
殷勤不用園官送洗之欲淨煮欲柔暫且請君先入甕  
三日四日取登盤先生大嚼眉休攢虎頭燕頤非吾志  
極知風味配寒酸



自家赴蜀口占

十載山居學耦耕今朝攬轡賦西征  
暫辭竹徑松關往又入蠶叢鳥道行  
濁酒一杯邨店小竒書幾束客囊輕  
清谿楊柳饒春色臨別依依若有情

綦江舟中

綦江二月已春漲水沒沙灣恣奔放  
岸柳初黃隴麥肥差池燕子翻波上  
三板船頭槳六枝驚濤衝雪去如飛

渝州煙水分明見無數好山青四圍

沙灣地名

資州曉發

雞聲催曉上籃輿旭日瞳瞳意興舒  
楊柳池塘風定後

杏花邨落燕來初客程無事聊憑軼家計關心要荷鋤  
早晚春分好時節獠奴力作究何如

遊靈巖寺

西岷千里來嶺嶂莽迴復天彭聳支躋到此仍高轟歸  
然靈境開巉巖逼深谷上蟠不凋樹蒼翠列如轟下嵌  
欲崩石蘄削勢彌夔鷲澗騰野猿眠坪走仙鹿幽鳥時  
一聲白雲自相逐中有古招提妙藏山之腹我來暮春  
初杉徑行迂曲躡蹬偶侵苔到門先看竹帽拂山花紅  
衣帶山雲綠基石方可坐靈泉淨堪掬清寂道心生煙  
霞紛寓目輿丁催我還斜陽在林麓更擬入青城快登

峰六六

往遊青城道中卽景

出郭渡江去江橋春色深漲沙圍石籠隕岸接橙林雲  
氣丹巖麓人家翠竹陰仙都應不遠蠟屐快追尋

黃泥坳幽處

行到黃泥路轉遙橡林風亂雨蕭蕭四山嵐氣圍幽翠  
龍背中開路一條

六月五日題竹

斜陽照處影差差三徑清風向夕吹炎暑不侵陰不滅  
一彎新月又林西

風雨重陽心緒作惡不能偕諸生策杖登高復不  
耐與諸子旗鼓抵敵書此以訂後約且聊塞會課

責耳

歲華忽我邁蹤迹成老醜何不日鼓瑟高歌唱銅斗不  
然飲亡何藉作埽愁帚數者非所好長日坐窗牖何法  
能消遣使我開笑口不如與吾黨會社聚儕偶清談論  
文字拈題詠花柳遲速了不計工拙亦何有要取意興  
佳無妨心血嘔一月會一次一人成一首公孫脫粟飯  
東坡真一酒如是以為常我作居停叟吟社仿碧山聿  
始今重九諸君誠好事月月能來否

六月四日題竹

去年栽竹始成林今年大竹添十箇一似生兒復有孫  
以似以續真可賀老夫手植差自慰時來竹間或坐臥  
清風披拂左右吹蒼蘚半弓隨踏破

賣兒嘯

風蕭蕭兒無衣雨飄飄兒苦饑無衣且饑何以育兒

解一

前月兒父死賒買三寸棺比隣索棺價剝啄詬門前

解二

賣兒抵棺價兒往生處樂廝守娘何為冀免填溝壑

解三

南山有烏母將其雛啄粟飲水俯仰自如嗟我與兒曾

不若南山烏

解四

送兒出門去青山朝似暮竝立且須臾

目斷山前路解五兒亦不必嘯兒亦不必悲兒如娘已歿

娘如未養兒解六囊既無錢與米那不為奴與婢但願兒

入貴人家好視小郎與女公子解七兒去矣莫號咷娘入

門黯魂消仍無衣風蕭蕭仍苦饑雨飄飄解八

首春

新年更舊歲吾亦感今吾華髮羞明鏡緜袍戀暖鑪入

山非大隱報 國有微軀慙媿煙霞癖形容漸老夫

讀宋書

富貴何足羨貧賤何足歎苟能勵名節山谷可遊盤我

讀休文史有懷晉宋間南郡劉凝之吳興沈道虔譙郡

戴仲若會稽朱百年茅茨立郊外小宅臨谿邊野服憇  
北澗樵箬採南山鼓琴能變曲飲酒輒盡歡出乘薄笨  
車歸掩幽人關徵辟不願就窮約不辭艱名在隱逸傳  
心期巢許班以此激貪濁豈曰非高賢

除夕

四隣人寂寂兀坐到深更夜永邛雞靜年荒澤雁鳴暖  
鑪煨石炭破竈煮藜羹贏得山魃喜都無爆竹聲

大雪自家赴郡

侵曉出門吾志決不管千山萬山雪登車便與妻孥別  
門外雪花歷亂飄無路中尋路一條兩腳踏地皆瓊瑤

山邨十里炊煙絕萬樹瓏鬆凍欲折樹根瘦石立如鐵  
竹籬茅舍誰所家門前一樹紅山茶不信雪中宜此花  
四山陰沈天影黑我行已暮猶未息且趁雪中微月色  
苦憶故園谿上居四圍松竹環吾廬老妻圍鑪兒讀書

蚡石齋詩鈔卷第一



吟石齋詩鈔卷第二

遵義 黎恂 雪樓

春朝小集雅泉宅

一笑銜杯顏復紅與君俱老誰雌雄  
生涯甘作釣魚叟身世聊為田舍翁  
我媿墊巾郭有道公真嗜酒王無功  
來日相邀莫孤負爛醉南園花竹叢

出山

束裝重擬赴燕臺話別家園酒一杯  
遲暮尚存千祿想迂疎豈有濟時才  
牛腰詩卷殷勤載馬首峯巒絡繹來  
苦欲徇名私自笑故山不住抑何哉

弟甥子姪送余行重以杖頭百疇鶯有志澄清須攬轡  
無端離別詎忘情江湖風月酬前夢黔楚煙雲繞去程  
寄語諸生各努力 聖明原不薄儒生

苦熱

秋陽苦燥烈殘暑猶未消階前鳴蜻蛚枝上嘶寒蛩時  
節倏已變涼風吹蕭蕭伊余媿明哲遠行攜稚嬌逐暑  
豈不病善病殊無聊使我方寸心有如苦桐焦淹留山  
甫城羈棲非一朝北征畏塵土南旋怯風潮焉得生羽  
翰矯步凌丹霄

樊城晚眺

城頭明月照波閒  
隄上清風似我閒  
忽憶龐公棲隱地  
隔江何處鹿門山

汲縣道中

撲面風塵苦斜陽  
西嶺留寒煙邨徑晚  
衰柳市門秋日  
落見歸鳥農閒聞飯牛  
征途苦未息何日到  
皇州

豐樂鎮早發

又趁邨雞起五更  
疲羸辛苦事長征  
鄴城南望秋無迹  
漳水東流夜有聲  
寂寞荒臺歌舞地  
團圓明月古今情  
平沙十里衝煙去  
鷺堠堆堆若我迎

定州官柳

向人猶自舞毵毵十里濃陰拂去驂斜日西風驛亭路  
殘秋煙景似春三

十年樹木談何易沿路堆棚解護持猶勝枯楊邢趙境

摧殘兀枿久無枝

邢台趙州一帶楊柳多被人盜伐

### 清風店早發

邛雞聲叫蠅聲繞門外疎星三五小一枕黃梁夢乍醒  
半輪明月天將曉苦持短被護兒眠亦有征車同我早  
鞭絲帽影風蕭蕭戰場地濶生秋草

### 磁州道中大風夜宿豐樂鎮值雪

土囊怒發千鈞弩捲地狂飈猛似虎黃埃漲天天為愁

老樹槎牙欲飛舞夜來淒緊勢逾勵撼戶破窗敢余侮  
人僵馬凍屏息眠歷亂天花落銀浦畿南千里冬苦旱  
廟堂早已憂堯禹去臘有祈雪旨况今時節過春分  
二麥青青待膏雨惜哉雪厚未盈尺潤不及物終無補  
皇天沛澤知何時聊為征人減塵土

局促行

局促局促雙輪輾輾犖确啟隘將脫其輻前箱後筭下  
罽上篷中二尺許身於是容我處其右兒處其左摩肩  
攢足倒憊顛爹敲鏗擊顛兒唬嗚嗚嗟我與兒乃不如  
轅下駒

鄭子尹珍壻生日作長句示之

鄭子有才不可羈卓立天骨矜權竒鄭子能文苦不遇  
卽今三十已虛度少年曾讀等身書尋常咳唾皆成珠  
饑來一字不堪煮吁嗟吾道其非與小住 京華歌行  
脚依舊歸心殊落落如入寶山空手回江湖與我同飄  
泊買魚沽酒向沙津時泊舟沙洋一醉東風桃李春英雄未  
必無知己相爾豈是蓬蒿人

龍陽道中

沿隄迤邐露春光麥自青青草自芳無數澹黃顏色好  
有人家處有垂楊

行路難

行路難乃在征鴻之極浦飛雁之江干順流而上一萬里大江茫茫煙水寬天長地遠不得到歸人念此摧心肝行路難夕傍水宿朝對風餐夜泊畏盜賊曉行畏波瀾下有跋浪吞舟之巨鰐上有飛流濺雪之奔湍後有巉巖險惡之磯石前有洶涌澎湃之危灘長繩百丈挽船進牽引猶如魚上竿有時風利不得泊布帆吹入青雲端使人骨驚心折肉顫膽寒惟仰天而太息時撫膺而長歎歸程方未已遠道何漫漫吁嗟乎行路難

桃源縣偶占

石齋言金卷二  
四  
桃花夾岸水平川  
犬吠雞鳴別有天  
畢竟不知秦與漢  
終然懵懂作神仙

上灘

一灘復一灘  
灘灘各殊狀  
前後左右間  
石稜怒相向  
或如蹲象獅  
或如列旗帳  
或如森戈矛  
或如挺兵仗  
如現羅刹形  
如幻夜叉相  
如露齒牙  
雄如鞏城垣  
壯如擺布陣  
圖如排列屏障  
如碁散星羅  
如巷隘街妨  
如橫闔關  
攔如高閉閤  
如危卵層疊  
如圓毬跌宕  
如牛千頭  
笨如車百輛  
密如羽林軍  
健如兜鍪將  
奇險如峭函  
勁敵如瑜亮  
穹窿如積鐵  
嵌空如開壙  
溜忽縱忽橫  
溶忽



收忽放水一噴一波濤一激一浪纜將斷未斷桅欲上  
不上篙屢撐屢折舟時簸時盪旣剽悍迅駛少滌洄滉  
漾復鎖束逼狹無渟泓空曠轟轟走奔雷洶洶洩盛漲  
淙淙聲亂鳴汨汨勢逾王小灘沙石麤對之神惆悵大  
灘氣象猛見之色阻喪乃憑人力施直與水力抗相持  
不相下相爭不相讓奮臂挽狂瀾逆流牽輕舫危險在  
須臾勝負決一擲倘或舵尾掉幾為魚腹葬踰塹信可  
虞出坎幸無恙日暮泊谿灣晚飯聽漁唱又聞灘聲吼  
前途聳疊嶂

辰谿縣

兩水於茲匯居民雜漢夷山多巖作障城小石為基木  
杪聞樵斧花邊見釣絲錦江分道去舟楫爾何遲

麻陽河名

錦江

銅槽溶用五平五仄體

齒齒石作底淙淙流漸鳴一艇挽以上鏗然聞篙聲

銅仁舟中不寐

繁星在天谿瀨湍瀉中有一人扁舟曠野水何淼淼山  
何叢叢蜀魄嘯煙清猿嘯風高枕不寐推篷而起仰視  
星月悲咤未已北可風沙南可鶯花子胡弗往遠適荒

遐

到省谿江口

飄泊江湖慣此生，帆檣來往客心驚。  
如今始脫風波險，穩向萬山深處行。

月夜登梔子岡

風露正三更，後山幽可尋。  
明蟾圓有影，老鶴靜無聲。  
光景令人惜，乾坤如此清。  
因思瑤島上，仙侶定吹笙。

四月廿一由京之官雲南便道歸家後四日飲  
巢經巢醉後偶題四絕贈雅泉

茶熟酒香秧雨天，不禁離合話尊前。  
勞人草草身南北，孤負春光又一年。

雅泉依舊隱於漁茅舍風光猶似初花樹漸深孫漸長  
靈芝阿卯喜知書

去年今日出門去聞道女嬃雙淚盈一笑懽然剛一載  
老來姊弟太關情

濠廬小住復將去忽聚忽離東又西來坐斗亭看芍藥  
可知把晤亦鴻泥

中坪道中

朝曦初出山氣涼微風蕭蕭古道旁滿林橡葉嫩且光  
高枝三尺五尺強山蠶蠕蠕二寸長齧葉甘如柘與桑  
或食或動或眠僵頭尾腰足色金黃前山後山守護忙

晝妨鳥雀夜鼠狼待爾作繭盈高岡多至萬筥少千筐  
如賈三倍利可償育蠶勝種黍稻梁我行倏至中坪場  
十數里地皆青桐俗名橡為青桐昔年境薄成山荒今乃化為  
美土疆問誰興利惠吾鄉陳太守德不可忘吁嗟乎陳  
太守德不可忘

到者

我從日邊來心迹慘不愉百日達滇境僕馬悲瘖痛腰  
笏執手板晨向大府趨有如新來婦祇見舅與姑公所  
遇要人磬折立踟躕要人眼光炬視我同侪儒答揖未  
及半膝已就羶瑜恤悞蝨其間暫廁末座隅俟各鳥獸

散乃從後于于沿門紛投刺神疲強支吾歸寓筋力乏  
脫帽重嗟吁勞頓乃如此為君乎國乎

乙未秋闈分校次曾司馬筱坪毓璜同年韻

丹桂飄香下九天清風入座月侵筵紗籠寶炬宵如晝  
簾捲湘波吏似仙滄海珠收誰上第蓬山徑熟或前緣  
秋濤春枕曾西浙回首光陰十七年自己卯浙闈分校  
後迄今十七年矣

板橋

晌午出南城暮投板橋宿西風天欲霜斜陽在喬木山  
寒石徑瘦歲晚邨禾熟伊余何為者窮荒思竊祿

楊林曉發

晨起戒徒御窮冬十月初寒煙侵野澗遠水接天虛馬  
怯敝隘路人驅薄笨車道旁基礎在傳是劫灰餘癸巳

滇省地震楊林尤甚屋宇盡壞壓斃千餘人今市屋皆新築者遺椽廢基猶滿目也

### 社日夜分雷雨

神壇坎坎數聲鼓社公大醉掀髯舞壇前驚起老龍眠  
社壇下卽龍神祠驅逐風雷作霖雨風止雨息雷停車繁星滿  
天北斗斜明朝曉起看春色落徧山城桃花

### 寒樵

千山萬山山斗絕前山結冰後山雪幽巖古澗少人行  
誰其往者脛骨折一肩枯草一肩松悄不聞歌愁殺儂

芒屨破帽下山去難寫夫夫寒瘦容

新興道中

形勝類西蜀春風吹滿林  
姹花千樹密慈竹萬叢深  
田水催禽語山煙動客吟  
喜看農事蚤二月有秧鍼

秋闈分校和伊莘農制軍

里布韻

文治光華仰作人特裁  
偽體拔清真台星朗耀臨闈屋  
珊瑚網宏開到海垠  
雲路攀花須薦引風檐嘔血實艱辛  
拈毫不敢輕塗抹紅燭簾前有鬼神

秋山行旅

彳亍前山向晚行  
寒林霜冷客西征  
鈴聲響路斑駁健



人語衝煙怪鳥驚  
古道白雲孤店隱  
夕陽紅葉萬峯明  
憑誰畫出書生像  
帽影鞭絲無限情

解夷逆赴省再宿昆陽州

晚伴棲雅敬  
近關昆陽市  
小亦通闡海  
天平接三分水  
城堞斜臨半面山  
漁子停舟芳草外  
邦君寄館白雲間  
往候范刺史於  
半山三皇廟  
秋來兩度頻過此  
歎息勞人何日間

以孔雀與人

夫子佳禽何處至  
卑棲使汝在松棚  
已悲毛羽摧斯地  
可惜文章誤此生  
割愛棄恩非我意  
開籠贈客亦人情  
願君獻上  
瑤京去  
好伴來儀采鳳鳴

夏賽江漲不得渡反宿夷寨

雷雨漲蠻江水急浪掀簸高没大石磯例不容鼓柁

夏賽

江漲淹没江邊石磯子即不敢渡籃輿已江邊復返陟崑砢欲尋昨宿

處路長計或左峯腰有人家種類盡夷裸男婦足蹒跚

兒童身袒裸土屋集臭穢芭籬懸果蓏此豈非吾民寄

宿亦聊可煮茶泉渾渾炊飯粟顆顆雜然同一宮牛羊

雞豕我獻芹者何人緇布將頭裹長跪前致詞謂我為

民爹慰勉麾之去獨對山月坐

伙頭獻隻雞蜀黍受其黍而還其雞

無膏

油柰何且藝松明火

七月二十日宿大水溝泉聲攪人不寐五更即行

懸崖置屋已高險况復泉聲聒耳鳴枕畔似聞風雨至  
樓頭長攬夢魂驚喚回倦僕乘涼飯催起輕裝趁夜行  
記取哀牢山下路五更殘月半輪明

丁苴山行

卽楊武堪山

僕僕風塵柰若何窮荒來往此經過

自夏徂秋往來六度過此時清

野戍烽煙靜歲晚山田穰稔多碧澗有泉皆漱石青松  
無樹不緣坡誰知蔀屋茅檐下擊壤兒童也解歌

暮秋赴大姚任晚出省門夜深宿獨樹鋪偶閱谿

西集用其韻題壁

初離怕念谿

怕念谿在新平

蹤迹指天西大野盤蒼隼雄關峙

碧雞山高斜日迫邨遠暮煙齊今夕宿何處更深烏夜  
唬

十一月二十六日震雷雪雹

愆陽想自伏陰來蠻濮山川可怪哉鑿地無冰翻雨雹  
行天有雪復鳴雷咎徵當讀申豐論策問尤思董相才  
誰料滇南人見慣動云雖有不為災

己亥元日蜻蛉官齋

東風吹岸柳已是豔陽天日月景恒若雲霞光爛然地  
居南極下迤西井鬼分野星經井宿下有南極老人星春在歲朝先年前十日立春  
且看兒童樂花獅共鬪妍獅以炒米為之

苴卻天后宮卽事

緣樹陰濃四月初送涼新雨到階除畫圖廊下僕吹火

歌舞樓頭兒讀書

時攜幼子兆銓  
兆普偕往讀書

堆案文章掣百重鑪香茗椀事從容科頭步月空庭裏  
慣聽僧雛打暮鐘

卸雲州任歸途感賦

瓜代息息夢一場艱危歷盡鬢毛霜因人成事終何補  
匪我愆期亦自傷彭澤休官非為酒華陰停務不緣臧  
送窮無計空磨折搔首憑闌問彼蒼

不辭觸熱走駸駸承乏誰存畏蕙心蕭寺停車嗟子病

六月抄由楚雄行至瀾渡  
因兒子病留五顯宮六日  
蠻江阻水悵波深行至公  
蘭滄江水盛漲神舟渡  
不能逾阻滯公郎十日  
豈知萋斐能成錦可信號  
眺竟

斷金慙媿西山銜木石枉教辛苦作冤禽

羣情猜忌屢傳訛  
雲州自六月緬甯釀案之後  
白晝紛

紛竟荷戈乘釁欲為蠻觸鬪要盟難恃晉秦和  
漢州治回

官為勸解屢次出結盟誓余到任復經吏目范來安綏  
之邀集楚民回民出立合同會飲和好詎意八月二十

一日回漢二民因索欠起衅回營突出多人執持刀戟  
弓箭滿街欲與楚民互鬪幾蹈緬甯故轍余及范君急

出彈壓勸解幸雲鴻鍛羽誰憐我風鶴驚人亦任他京  
未傷人而散

兆不須嗟五日無官且得放懷歌  
在任僅三十五日

依然孤負菊花秋  
數年來八月九月非輓輓征途即  
僕僕

風塵伴楚囚

押解楚省人犯十名回省

興至還傾鸚鵡杓囊空思典

鷓鴣裘敝隘道路留陳迹寂寞家山憶舊遊行趁子真

招隱去谿田將作耦耕謀

途中接子尹書勸余歸隱

十月初五宿老雅關閱壁間舊作有感

野戍荒邨夕照邊寒煙衰柳寺門前窮冬十月雅關路

風景蕭條似去年

躍馬西南萬里行舊題詩處墨光晶汗牆宛壁等閒事

不用旁人識姓名

領運 京銅七月二十日出滇城感舊

昆華留滯倏經年虛度裘天與葛天疏拙固應容我嬾

窮愁原不受人憐一麾江海皆王事漫卷詩書著祖鞭  
袴褶急裝從此去誰能心戀彩雲邊

魏莪公府不勞趨楊柳春風客載途八口無依成契濶  
一身將老復馳驅入林有媿吻吻鹿涉世幾同汎汎鳧  
默揣平生真竊祿此行當作報 恩珠

### 楊林曉發

鈴鐸喧聲動征夫覓筍篔初陽晞草露朝爨起邨煙路  
遠山圍樹波明水浸田天光雲影處應為小流連

海潮寺下

瞰嘉利澤景極空濶寺門天光  
雲影四大字宋芷灣太守書

露益別家人詩以代話



人生若溝水有時東西奔又如天上月圓缺常更番自  
我宦滇海駑馬拘短轅兩度來相從子何不憚煩今我  
復遠適子其歸故園紅燈旅店夕別子豈無言昔歸女  
當嫁今歸兒當婚約計桂輪滿可抵谿上邨開我東籬  
徑坐我南窗軒看花扶小婢問竹攜雛孫呼奴理荒穢  
課子讀朝昏井臼可無操眠食善自存殷勤教新婦中  
饋修蘋蘩閒來理繡佛鑪香爇溫馨第勿太自苦朝朝  
茹菜根憶遠徒爾為不如食雞豚以是役舟行涉險出  
滇城之日卽為余長  
齋茹素力以茲勉相囑夜闌語絮絮別離在明發市門  
阻之不可車馬喧揮手自茲去淚盈聲勿吞子歸守蓬華為我釀

清尊待我行役返迂道旋里門開尊舉鴻案別緒重與

論

倘塘驛

地僻圍青嶂谿長覆綠蘿支橋橫石瀨架屋倚巖阿野  
店樓窗小山田稗穗多盈盈衣帶水流去即牂柯

可渡河

河之北即鳥撒境

奔流瀉濁谿濶僅數十步湏黔此分疆扼要當津路斷  
橋失垂虹濟人一舟具湍急不容篙竹緮引以渡以竹  
貫兩岸舟子挽纜而行擔夫怯掀簸立馬防顛仆設當盛漲時洶  
涌尤足懼曲折通北盤下流資灌注移作烏江源志乘

毋乃誤流詢之土人云渡口上流六十里許為發源處下  
尚塘流注七星關以下為北盤江志稱  
烏江發源於倘塘下流為可渡河誤矣

### 雪山關

峩峩雪山關業業凌碧空  
紆迴磴道轉偏側徑路通  
關門若城闕疊石何穹窿  
一夫當其隘萬夫莫敢攻  
我從判官腦肩輿上籠從  
雨霽宿霧散雲開秋日紅  
右顧黔嶺皴千峰盤烏蒙  
左眄蜀山尖萬點連蠶叢  
乾坤劃軒豁煙靄青濛濛  
披襟倚危石長嘯來天風  
頗聞路人言此間值寒冬  
積雪厚丈餘堅冰滑玲瓏  
紛紛負販至少壯兼疲癯  
冒險履冰雪馱負登危峯  
人僵馬蹶蹶痛哭

依枯松緬惟古盛時霜降休百工閉關頒令典歲晚閒  
老農後世異三代中澤多哀鴻貧民無恒產轉役為人  
傭不惜筋力苦餬口供朝饔否將立待斃饑餓填溝中  
卽今往來者形與鳩鵠同秋晴石路乾渾汗猶霑胸何  
况山寒凍焉不成龍鍾倚關坐歎息悠悠我心忡惟富  
則哿矣哀此天民窮

八月十四日永甯登舟谿水漸涸夜深忽漲喜而

有作

廿日山行輿馬倦舍陸而舟從利便心喜飛流奔竹箭  
其柰谿漲旋卽消船底夏石聲嘈嘈推移掀簸徒爾勞

晚泊雙橋近沙背夜深明月篙師起忽報漲添三尺水  
五更解纜推孤篷輕舟放溜如趨風作詩一語襲坡翁  
信我人厄非天窮

瀘舟造船江樓觸目

形盛通蠻部人煙聚劇州寶華山聳峙中外水爭流

江岷

稱外水資江稱內白粲南田熟紅鐙小市幽

城南田鎮距

米之所城東北對江為憑欄多景色瀟灑坐江樓

罐口壞舟

神臂山前風怒號陰雲濛濛雨瀟瀟老蛟起舞馮夷驕  
奔流陡立飛洪濤我舟排聯來自高眾夫鼓譟聲教嘈

乘勢直下不可撓灘頭迅駛如梭拋忽撒一舟入罐漕  
後裂柁柱前折梢觸石一聲蓬纜跳長年膽落驚魂飄  
攀援恨不同猿猱頃刻性命猶鴻毛救生小划火急搖  
幸不死者登岸逃敗船逐浪餘片撓半浮半沈尚露篙  
桶底已脫無從膠滿江明月何處撈我時在灘乘小舸  
善遊數能亦自操倚篷悵望心忉忉仰天長歎空手搔  
神京萬里途正遙發軔伊始便此遭巉灘櫛比方轄  
輾艱危有似釣六鼇遲留顧盼徒爾勞前船已泊榕山  
坳歸舟且復傾醇醪不以一眚易吾豪

撈銅

刻舟未許能求劍墜石江心細探驗

撈銅先以繩繫石沈水底探視有銅

處石必擦有紅色名為打紅

灘頭下碇維輕艘排比連環聯竹綫健

兒裸體腰纏繩泗水馮河夙所能衝浪直前如獺沒撒

波忽躍猶猱升前者乍起後續入象罔求珠難預必有

時雙擎塊半來

銅以圓尖塊半計

有時赤手張拳出船頭煖酒

盈胡盧鯨吞牛飲來蠻奴清泠淵中賴汝往奚辭重賞

招勇夫頗柰蠻奴亦畏死拾得遺金遽躍起不投蛟室

斬潛蛟兼入龍宮殺龍子趙璧重完已有瑕楚弓復得

亦堪嗟

沈銅五萬斤未撈獲者一千餘斤

曠時糜費乃如此不知何日

到天家

涪州江口

茲地接牂柯昔為巴南鄙山川莽迴互巖谷紛譎詭繼

周歷八代爭據常經此陽關失故險草峽餘廢壘關在城西

巴子所置三關之一黃草峽亦在城西唐楊子琳作亂擒王守仙於此杜詩黃草峽西船不歸是也空聞

彭破丹仍唾楚得枳後漢建武中岑彭破公孫述將侯丹於黃石灘灘在州西大江中蘇

代曰楚得枳而國千古幾興亡往事殊難紀可愛涪陵

江沙石映清泚烏江下流至彭水縣為涪陵江至州城東合於大江鳧雁迎人來

拍拍芳洲紫江口有洲汲江快煎茶中有故鄉水除家

谿水亦南望吾家山斜陽杳千里亦欲寄相思恨乏傳

書鯉



登白帝城

盤紆仄徑倚危空  
巖絕江山一望中  
恃險幾人爭戰伐  
託孤千古歎英雄  
荒城旅雁飛斜日  
斷峽哀猿嘯晚風  
猶有昔賢遺迹在  
東屯誰訪少陵翁

蚺石齋詩鈔卷第二

鈴石齋詩鈔卷第三

遵義 黎恂 雪樓

巫山峽守風

橫石磯頭沙石走悲風怒發土囊口山林畏佳萬竅呀  
謫謔叱叫聲諸有峽水倒流復東趨窾坎鏗鞳吹浪麤  
大魚奔竄野獸匿檣竿掀簸愁吾徒我舟利行不利泊  
無事千夫肆飲博三朝三暮苦滯留試問瑤姬胡作惡  
新灘為峽中最險向例十月以後銅鉛舟至此全  
數起剝惟羈延時日行者苦之余以十一月杪舟  
抵灘頭洪濤白浪震悼心目舟人云瀨子石未現

尚可放標守風一日晴雪消融灘水漲平尺許遂  
不起載於十二月朔放舟下灘幸而出險心竊喜  
焉時方讀東坡詩集卽次新灘詩韻

聞此洶洶久見此號號驚峽江第一險使人愁成城中  
流倘一蹶千人頃刻阮我舟仍滿載破浪隨縱橫此事  
克則卿不克固必烹捷速吾計決冒險性命輕終荷神  
明力扶危而定傾礙一舟冒石上過損柁幸無損晚泊犒長  
年懽笑語徐呈神助良有以亦賴江水盈

蝦蟆碕泉

妖蟆婪酣欲蝕月姮娥奔避兔杵折帝遣東方蒼色龍

插戟捍風以蛙磔殘骸拋擲下青冥化作西陵峽中石  
頭鼻吻頷猶酷肖脊背皴皴仍巧綴吻俯江濱背負崖  
其上砢研開洞穴太陰精氣終不死孕竒蓄潤出靈液  
泠泠聲度口鼻閒潺潺流瀉鼃鼃窟藤蘿縈絡護陰森  
苔草鬚鬚映澄碧艤舟卽得境幽深垂瓶復喜味甘冽  
豈惟淨可鑑毛髮直教一嚙清入骨故知老墓弄狡獪  
噴吐水簾待行客我來攬勝坐危磯臨風嗟訝歎竒絕  
長生木瓢手自攜急索叟盜貯飛雪活水活火法誠良  
蟹眼魚眼湯皆悅昔人品水例太嚴等第必欲爭優劣  
水品蝦蟆  
碕列第四  
我謂清泉味自佳仁者不用生分別

泊舟西陵峽口山開水濶峽江之險始盡追述所

歷成篇

平生萬里舟車行夢想三峽心怦怦茲行竟獲償夙願  
收拾竒險胸中橫自發渝涪日覽勝水益迅駛山崢嶸  
斷峽繇延七百里巉巖峭壁饒孤撐瞿塘灩澦勢萃岼  
黃牛白狗形彭亨神工鬼斧斲竒巧千彙萬狀難具呈  
風雲不通徑路絕扼束江水成澗阨亭午夜分無日月  
峽口惟有哀猿鳴立石方蹲橫石踞後灘未畢前灘迎  
人鮓甕中急鼓柁流頭灘上羣鳴鉦千夫努力浩呼洶  
助以旗鼓聲氣盈指麾瞬息一舟下翩如鳥逝箭脫弮

每過險灘必登岸鳴鑼放銃搖旗指揮撓夫風號雪虐  
賞以寬錢羣力鼓噪瞬息間船已下灘矣  
不遑避高浪逼人心骨驚王事鞅掌固應爾備嘗艱苦  
難為情重險幸脫亦快事吾心始與江俱平明朝至喜  
亭前路買羊沽酒杯當傾

### 沙頭市

賈商雲集地茲鎮夙稱雄舟楫連津戍風煙接渚宮築  
隄思太守鳴牂記衰翁杜詩買薪猶白帝鳴牂已沙頭欲訪章華迹惟  
餘蕭寺空郡志楚靈王章華臺有二一在監利一在沙市今章臺寺即其遺址

銅運抵漢陽舊例易舟換載余原舟堅弗易也修  
艫豎桅併載而已

江陽始造舟勁柏取尋丈工堅材復良釘多鋤亦獷雖

懷乘險憂已作致遠想下峽競奔趨觸石猶岨彊漲落

灘水平冬晴天宇爽遂自江有沱直達漢之廣沱水自瀘

入江又枝江縣之功令寬程期漢陽換船例限四十日大府發金

帑例須易舩舩謂當凌決漭吾舟廓有容其物深足仗

焉能舍巴船而別尋吳榜姑以此夾舩易名曰川漿瀘州

申報船名夾舩漢陽申報甘同范睢謫竟效張祿迂心

期仍舊貫事豈蹈欺罔兼併載既盈鬆飾形相仿風檣

力排豎雲帆勢直上編列甲乙次毋爭滕薛長堆積雜

米新瑣屑備豐旂賽神潔牲牢犒眾費錢鏹方春節始



和卜吉余當往會唱大江東南風吹五兩

登黃鶴樓感舊

昔曾與客聽絲桐黃鵠磯頭立晚風高岸祇今崩夏汭

危樓依舊枕江東彈琴道士顏難駐道光辛酉春泊舟漢陽偕張西園周

瑞峯渡江登樓眺翫仙棗亭道士能琴為跨鶴仙人迹

余鼓平沙一曲今已老病不能應客矣已空二十年來如一夢賸將白髮感飄蓬

舟過武昌縣遙望西山樊口松檜參天林壑隱秀

以不得遊覽為憾

不羨釣臺魚不羨西門柳但願青鞵布襪一枝藤屨徧

寒谿西山與樊口樊口佳絕臨江天松竹蔚茂鳴風泉

漫翁家處石臼在東坡先生留五年名賢流寓亦偶爾  
至今草木猶清妍我來二月風濤壯葉葉蒲帆破春浪  
如此山川不少留驚聞猿鶴空惆悵萬松嶺九曲亭意  
想幽景無人行何時飛步躡雲嶠一聽黃州鼓角聲

當塗道中

姑熟清且深浮邱聳而直是中景物聞幽奇無限谿光  
與山色大江茫茫出其間白浪洶涌高於山天門牛渚  
扼津要雄秀中列雙煙鬢我愛謝家賢太守白紵青山  
開戶牖復愛謫仙宮錦袍捉月空江傾斗酒兩公詩筆  
凌千秋名與江山共炳彪宅墓遺蹤當往訪惜哉行役

苦不休苦不休仍滯留感今懷古心悠悠風雨荒洲生

暮愁

時泊舟采石磯下大荒洲畔守風三日不得行

偕方仲堅

凝

遊隨園

小倉山色露清華如此幽偏信可家才子盛名香草木

文孫餘福住煙霞五車書少函微損四角亭荒柱半斜

料理及今非緩計莫矜培護幾株花

園丁猶有時花者

金陵雜詠

秦淮

流水膩臙脂畫船春載酒小立紅板橋輕風蕩楊柳

莫愁湖

湖波碧玉鏡湖柳黃金絲  
鳧雁忽飛起春寒微雨時

青谿

青谿一曲通沿岸多桃杏  
花落小姑祠婉孌芳春景

妙相庵

極意布園亭惜少倉山色  
一事頗堪唾靈均有配食

雞籠山

迤接落星岡空山易夕陽  
聚徒無隱士十廟亦荒涼

雞鳴寺

高敞闢禪扉地擅幽偏處  
山門石徑長近接臺城路

正學祠

遺像肅清高先生原不死取義而成仁讀書真種子

金陵留別方仲堅卽次見贈原韻

秦淮鍾阜接春陰打漿欣隨杖履尋勝地江山成小住  
名園花柳愜清吟留連雅誼方傾蓋振觸離愁已上琴  
別後相思渺何許可能緘寄字如金

登燕子磯

輕舟將落帆突見蒼崖擁遙睇若修織逼視乃孤聳高  
亭翼然出危石森欲動裂罅罅樹根蟠撐空枝葉拱幽鳥  
嚶其鳴芳草秀而茸臨眺快娛目登陟艱曳踵俯仰天  
地寬咫尺風雲涌披襟意方愜伫立神先悚江潮怒澎

泝江霧紛鬱翁長嘯下危磯聊復賈余勇

遊永濟寺觀音閣諸勝處

崿砢峭壁森森立危磴參差樓閣出團蒲禮佛坐移時  
慈雲高蔭杪擺日循巖倚厂路橫斜草長鶯飛鬪物華  
僧院碧桃開復落香風吹墮隔牆花

六合道中

時及門朱半塘大令官是邑迂道往訪遂由陸路至儀徵

琴堂朝話別出閣喜晴暉源水綠三汊好山青四圍雨  
多楊葉短風暖麥苗肥漸覺民情謐春深免賑饑邑境上年

被水災歉半塘奉檄放賑方畢

煙光浮迥野耕作滿平疇牆矮兒窺雉邨閒婦飯牛橫

塘青草合芳樹綠陰稠

邵伯舟中卽景

曉晴天氣蕩和風煙水平橋處處通  
甍社湖光迷遠近芳洲樹影出波中

桃花春漲膩胭脂搖曳黃金柳萬絲  
不住鶯聲嘒恰恰舟人指點露筋祠

長隄一帶護春流來往帆檣夾岸稠  
三五漁舟飛漿過鷓鴣曬羽立船頭

花外青旗認酒帘帟腰芳草翠痕纖  
征帆已隔高郵近遙露城南一塔尖

上閘閘同插

一自巴船齊下峽羣相畏者天妃閘閘門逼束清淮流  
 高六七尺衝其喉福興通濟猶稍可惠濟洶洶愁殺我  
 百丈轆轤紛繳關推挽難於上青天鳴鉦闐闐旗颯颯  
 千夫鼓勇聲拉雜須臾鷁首頽波翻快如河鯉登龍門  
 一舟已上一舟續前飛鴛鴦後鷁鵠舒徐挽入太平河  
 柁師沽酒羣酣歌糜費金錢君莫怨君不見清江水高  
 尺餘寸頃刻黔鉛沈十萬前幫黔委員王君畬頭船壞於清江閘

渡黃河

黃河滾滾射朝暎奪泗陵准入海門世歷千年無上策



天將一水病中原委輸幸恃長隄固疏濬難云故道存  
隨例灌塘同進奉雲帆高挂到楊邨

閘河遣興

平河水淺不通潮高柳鳴蟬緯路遙閱盡風波無限苦  
誰知適意有今朝

沿河處處有邨莊隔岸人牛共納涼蘆糝成林風捲葉  
遠山如畫映斜陽

昭陽湖

漕渠全藉此蓄洩利斯興水氣侵徐兗湖光接沛滕鳥  
衝煙外艇魚避柳邊罾不見蘭橈女芳洲唱采菱

南旺湖

地匯平湖濶渠通曲岸低檣帆過畫鷁煙水戀浮鷺涸

處萍黏塊西湖水陰中樹蔭隄蜀山孤秀出掩映碧玻

瓊湖山東湖中

閘河舟中暑甚寄寓分水龍王廟晚雨登來汶樓

難得新涼埽俗氛登樓憑眺意欣欣祠前碧瓦參差出

檻外清流左右分遠樹著煙成霧縠斜風吹水動波紋

奢心更望霖三日何計濃添泰岱雲

連雨汶流漲沒水則九尺許羣舟無慮擱淺矣僧

房涼爽疊前韻

連朝甘澍滌塵氛我與村農一例欣柳岸漲痕高數尺  
槐階秋意到三分鮮鮮花映湘簾影嫋嫋香焚繆篆紋  
閒共老僧話禪悅已將身世等浮雲

臨清川入御河

八百里彎曲汶流如許長閘開南板盡

清江至臨清計六十一閘

南板閘始盡

水會北河強礮石環清衛

水合處有

泥沙溷濁

漳翻資犁纜力倒挽下舟航

衛河曲折尤甚舟人以航尾居前倒挽犁纜而行

過三彎

紆迴十里八里屈折三彎四彎南岸倏移北岸後船錯

認前船

蘭漿行行止止蒲帆疊疊重重無端左轉右轉不覺高  
春下春

四女寺

姊妹花開香滿庭擬將蘋藻薦芳馨衛河水濶如銀漢  
長護嬋媛四女星

德州

往來畫舫與朱軒水陸交衝過客繁千里齊州推肘腋  
萬年畿輔重籬藩書生能扼河津守上將翻隨士馬奔  
曾是昔人爭戰地秋風禾黍滿平原

九日登通州城樓

試登睥睨俯郊坰極目蒼茫足偶停  
渾白河流低岸濁  
薊遼山入遠天青  
孤城曠蕩狐封穴  
一塔峻嶒雁拂翎  
對此不禁遲暮感  
短隄衰柳正飄零

不教風雨惱重陽  
繞郭青帘酒市香  
將老園林宜落日  
乍寒天氣欲新霜  
棲遲異國衣裳薄  
感歎征人歲月長  
苦念故山秋色好  
八年辜負菊花黃

銅抵通州橋移寓月河寺

斷葦荒蘆畔紅圍一帶牆  
晚花留曲檻清磬引斜陽  
抖擻風塵色皈依戒定香  
劇憐為客久到處賃僧房  
勞役姑休息行裝稍展舒  
攤書聊此夕高枕卽吾廬階

籜從風亂櫺軒得月虛 帝城鄰咫尺猶作野人居

差竣回滇二月初四日出都宵分宿長興店

雪來柳往敢辭煩辛苦征軺出 國門失計久知前事  
誤得歸猶幸此身存天連城苑雲垂野地擁塵沙樹暗  
邨薄暮桑乾橋上路一鈎新月照黃昏

驛亭楊柳拂征鞭極目關河意黯然南國浮雲嗟萬里  
東山零雨感三年倚裝慣作還家夢題壁偶成懷古篇  
一片雄心銷不盡夜深搔首看龍泉

樓桑邨

搏桑枝高葉交翠五丈陰濃雲覆地童童羽蓋拂青霄

鬱鬱佳哉天子氣草茅崛起生風雲天下英雄惟使君  
艱難創業西南去旌旄從此隔榆枌武擔山畔膺圖籙  
黃屋稱尊軍左肅炎劉正統有攸歸可惜三分僅西蜀  
憂勞殂謝魚腹宮削魏吞吳志願空運移漢祚終難復  
惠陵松柏聞秋風吁嗟乎芒碭雲高帝里白水邨真人  
起涿鹿乾坤古戰場興王興帝亦如是時衰那得同先  
皇再傳不保成都桑千秋萬歲有遺憾魂魄猶應戀故  
鄉

清風店早行

開關不待雞三唱逐隊征車趁早程  
羅卒弓刀遮道左

戍樓鐙火送人行荒邨月落樹無影長路風高鞭有聲

誰料時清憂伏莽畿南狐兔尚縱橫數月來驛站大道  
屢出劫案行旅五

更早行須宿店車馬齊幫始啟關門兵  
役沿途護送擊柝鳴鉦至天曉乃已

### 趙州橋

橋下空聞水潺潺橋上何有車班班仙人驢子不敢前

過客悲歌行路難君不見橋南里許大道邊劫商昨日

摧車闌衣囊罄盡僕夫死左輪血染猶朱殷

### 湯陰謁岳忠武王祠

冤獄不明莫須有長城自壞將毋同柱傾維倒將星落

彼昏乃以南渡終俎豆一家留廟貌河山萬古悲英雄



行人過此增感歎  
濺血豈惟愁侍中

新野道中

勞勞官轍黯銷魂  
又逐征塵楚北門  
天外愁心牽遠道  
馬頭春色麗芳原  
風煙縹緲黃郵聚  
花柳鮮妍白水邨  
彈指清明佳節過  
客中誰與倒金尊

曉發荊門州

征人催馬不容住  
高低歷盡荊門路  
昨宵雷雨過山城  
今日黃沙羃煙霧  
麥漸抽苗筍漸萌  
槿籬邨落有人耕  
客程忘却春光老  
忽聽林間布穀聲

清浪灘

連山不斷擁屣屣磯石巉巉露險巖濃瘴氣蒸槃瓠國  
怒濤聲吼伏波祠木欄緣厂樓居窄鐵索穿巖緯路危  
惆悵殘春風雨惡扁舟何日定歸期

湄潭道中雜詠

幾家屋隱筵筵徑一帶城圍薜荔牆共說春山茶事了  
煮泉對客試旗槍

烏柏成行列道周荏桐結子綠陰稠鄉風慣作膏油用  
準備秋來十斛收

一重一掩路參差行客幾忘側徑危橡葉滿林風習習  
山齏已值二眠時

澗泉泱泱入方塘，僂背村農競拔秧。  
白水滿田雙鷺立，看人栽插笑人忙。

興利誰如賢令尹，勸民栽拓已成陰。  
繅車響處新絲出，

始信桑林勝椽林。

涪邑舊無家蠶，道旁偶憇見有繅絲者，詢之云：數年前縣尹教栽桑拓養。

蠶二年獲利千金，今年可數千金矣。

晚宿毛口熱甚，四更雷雨後稍涼。  
曉行山中雲氣迷漫，頃復開霽。時高田雨尚未足。

四山嵯峨走龍虎，隙地中窪足炎暑。  
蠻江瘴毒苦蒸人，野店饑蚊敢予侮。  
夜深雷雨厭空來，驚起江中瘦蛟舞。  
須臾嘉樹滿田疇，漸次新涼逼窗戶。  
平明攜屐上前山。

繞足白雲千萬縷天風一吹忽迸散斂入巖腰無處所  
行人稍躡石路乾心喜晴光照下土豈識枯苗未盡蘇  
萬山深處有禾黍正須觸石逞奇勳長使窮荒甘澤溥  
吁嗟雲兮勉出山霖雨蒼生還望汝

雨後小憩滇南勝境晚抵平彝

山風吹急雨送我到平蠻寺古松彌壽天高地忽寬荒  
城迷去路落日戀征鞍慙媿橋邊吏猶迎舊長官

過清谿洞未入

蒼山環幽谿誰鑿溷沌竅洞穴呀然開靈境通奧窔前  
敞若堂宇雲日光朗耀中空矗蓮臺古佛坐含笑伊余

昔承乏探奇曾屢到入門心迹清烹泉設茶竈蕭然出世懷與佛相映照誓將滌塵纓速隱事耕釣此願竟久違鹿鹿走邊徼含沙忽中毒彈効非意料捧檄江湖去涉險祇自悼行役期再周齒髮嗟衰耄胡不歸故山而復馳六詔有孤夙昔心塵容媿高蹈新秋風早涼洞口輕雲罩小橋流水西徑熟不用導飛柯未觸輪立石方礙帽亦欲禮世尊竊恐山靈誚

黃雪谿翁金筆松竹冊葉為黃仲蘭金吾題

苔皴石瘦寫幽姿  
照眼金光炫陸離  
想見采霞拖鳳尾  
林逋山畔夕陽時  
曾於西湖孤山竹徑中  
行夕陽照耀  
金色迷離頗與畫境相似  
翁杭州人

也

題嚴比玉司馬宜園詞隱圖

鳳鳴鄉裏昔牽絲曾識翩翩玉樹姿  
富貴風流天付與  
搓酥滴粉有新詞

昆華捧袂話綢繆我亦披圖感舊遊  
千樹桐花一谿水  
問君曾憶故園不

曉赴倉街席壩一帶查勘淤河

荒城曉鼓散嘯雅出郭居然見物華  
柳漸成陰遮一稜  
山如含笑露雙了芳塍霽日邛邛麥  
部屋春風樹樹花  
早有編民事耕作翻聯龍骨響輕車

雙溝馬上口占

石磴盤盤線路紆山行無處不啟陬乘危履險去來慣  
老馬與余同識途

竹箭奔流涌急湍慣從低處起波瀾橫斜谿石高三丈  
擬作千條瀑布看

自苴卻赴鄉履勘地界時山田栽插初畢

簿書日填委齷齪良寡歡晨出理輕策霽景開林巒路  
逾平岡重稍覺天宇寬遠岫列如髻叢叢幽樹攢白雲  
巔峰頂時露青巉岼山田已插禾綠野聊可觀新苗喜  
出水幸無草宅歎此鄉地境瘠生業殊艱難喟彼茅檐

下麤糲供朝餐願今歲其有家餘瓢與簞禱天憫窮黎  
毋令嗟曠乾

天后宮中庭坐月

蒲鞭漸息少喧譁靜對茶煙待月華藻荇滿庭風露冷  
桐陰低護紫薇花

山行卽目

曲曲斜斜坡路危黃茅岡上晚風吹僕夫短笠入林去

野果分嘗山荔支

大如彈丸味甘可食  
滇人呼為雞菌子

金雞廟感段功段寶事

蠻觸紛爭運合休空將界限劃鴻溝

見寶詩

梁南段北今



何在蔓草荒煙野戍秋

家書遠報舊鴛鴦馬上高歌喜弄璋何事復投羅網去  
煙花畢竟誤平章

沙棠哨僧寺小憩

僧榻脩然絕點埃地無落葉有蒼苔牆陰蝴蝶飛飛處  
十月繡毯花正開

杉松哨道中遇風雨

清風一陣舞寒松急雨飛來雲走龍恰似坡仙瓊海路  
山搖鱗甲響笙鐘

蘭滄江鐵索橋

兩巖巉峭山穹窿危橋卧波線路通引以鐵絙貫石窟  
一條橫亘江西東飛檐架木張兩翼橋形中妥成眠弓  
上施橫板鋪櫛比旁護闌楯排玲瓏長十二丈高十丈  
危哉下瞰蛟龍宮行人來往若平地馬蹏蹴蹋搖青鬃  
舉趾者多輒掀簸閃閃灼灼驚愚矇始知彌高彌險絕  
置身恍忽凌虛空吾聞邛崃坂九折陽尊持見殊不同  
蠻江奇險殆有甚何敢叱馭矜其雄夕陽欲落嶺猿嘯  
徐行緩步心忡忡先人遺體我則奉鞅掌王事宜匪躬  
臣忠子孝將焉放吁嗟悵望臨西風

自順甯回十二月初七日新邨曉發四過鐵索橋

往來蹤迹苦頻頻又向蘭滄渡要津江畔藤蘿成熟徑  
道旁雞犬識勞人隱林檎葉微含凍壓樹梅花已報春  
殘臘光陰邊險路何因歷鹿走風塵

秋日偕戴臞仙學博蔣海舫少尉朱鏡湖孟春泉  
兩上舍泊兒子兆祺南城慶雨樓小集次龍泉寺

壁閒原韻

邊城已近菊花天與客登樓看野泉滿郭晴光開楚塞  
四山秋氣入商絃疏煙遠樹荒原外流水平橋古寺前  
稍喜農田鋪穰稔汗邪猶未歎無年

魚在清池鶚在天等閒觀物憶林泉折腰枉束陶公帶

傾耳曾無宓子絃愛客尊仍開此際出山雲早悔從前  
何時投効成歸計長伴松陰龜鶴年

因案羈郡多日孤館夜寒終夕不寐

北風撼戶吹愁心城柳街柝聲俱暗不雨不雪天陰沈  
蕭條冷屋煨鑪火看劍檢書無一可寒鐙獨照影與我  
輓轡曉動聞咿啞屋角有人汲井華巡檐乾鵲聲喳喳  
朝光一片透窗紙羈棲今又一日矣攬衣結鞵和愁起

蜨石齋詩鈔卷第三

鈴石齋詩鈔卷第四

遵義 黎恂 雪樓

述懷

吾生本貧賤家風惟讀書父師督責嚴期許為醇儒一第徒慙人清水流濁渠風塵數十載竹竿緣鮎魚齒髮今已頽腰笏胡猶趨上媿聖賢業下負耕釣徒撫衷長已矣失計為嗟吁

謂天於我薄形骸知識全謂天於我厚賦秉成其偏聞道憾不早力學悔不專時命復大謬簿領同纏牽百年易盡身竟為俗吏捐慨然思古人高節凌雲煙前修香

難卽望遠心如煎

題高讓泉小照

叔則朗朗玉山姿  
叔度汪汪千頃陂  
昔賢儀範今見之  
如此山林良不惡  
繞膝芝蘭伴行樂  
樂哉膝前著文若  
紅蕖綠柳風翛然  
消閒公自適其天  
披圖恍覩人中仙

題孟史鑑湖春泛遺照

若耶谿水春風香  
鏡湖花柳飛鴛鴦  
幽人曠蕩得天趣  
一櫂徑入菰蒲鄉  
要名何必數千里  
須念人生適意耳  
把酒遙呼賀季真  
風流吾愛孟夫子

清源哨道中卽目

穰往熙來互擁擠籃輿行趁路高低閒情野店雞豚柵  
生意田家薺麥畦寒水綠奔幽澗底夕陽紅射亂山西  
道旁賸有梅花放未惜風塵逐馬蹏

送朱鏡湖赴趙州幕次劉渠堂

榮黼

太史韻

幾載荒衙對几山殷殷蘭譜詣相關

哲兄東江

刺風流

文舉襟懷上才調元瑜伯仲閒媿乏高軒長引駐曾聞

倦翼屢思還

鏡湖今春欲返粵

幡然又指天西路要使凡毛見

一斑

離筵相對話清秋裘馬翩翩快壯遊到眼雲山雙屐展  
厭裝書卷一囊收情知卑棘難棲鳳心折良庖善解牛

此去好探蒼洱勝料應含笑看吳鉤

送楊子春華本壻歸里秋試

辛苦滇南路多君屢著鞭將雛勞遠道作客耐窮邊蹤  
迹孤城寄關山六詔連壯遊聊自喜時復聳吟肩  
長路二千里亂山高下圍雲煙穿徑出書劍伴人歸野  
館花霑屐郵亭雨溼衣應憐薄宦者心與子同歸

赴郡寓試院雨後作

竟有髯蘇興煎茶試院中送涼蕉竹雨捲暑芰荷風蹤  
迹慙卑吏文章笑寓公清吟聊自遣誰計碧紗籠

題戴臞仙學博琴鶴圖書共一船小照



溶溶春水眠鷗鳧獵獵晚風吹綠蒲幽巖遠樹相縈紆  
是中景物誰與娛先生胸藏道味腴玉貌良非山澤臞  
心在魏闕身江湖放浪煙波稱釣徒畫船來往揚輕裾  
人生樂事他何須有書千卷酒百壺筆牀茶竈枯桐俱  
從以束髮平頭奴襤褸仍舞雙鶴雛俯仰明鏡窺清矚  
百東坡兮翻在吾曠懷瀟灑凌空虛妙意所寄非菰蘆  
高軒琴鶴歸來乎更倩叔明為補圖

王叔明有  
琴鶴軒圖

署齋老梅作花

蜻蛉官舍古梅花老幹屈曲枝槎枒森然傲骨自撐拄  
不隨塵俗爭榮華念爾孤高成性格過去生中遇淪謫

植根未許近孤山流落邊荒吁可惜極知無福近雕欄

聊伴此君同歲寒梅側有竹二叢鐵石心腸天付與冰雪容顏

人耐看夜深霜月明霄漢滿樹花光照璀璨棲枝翠羽

時一鳴驚飛陡落瓊瑤片我豈曾修夙世因來與梅花

作主人六年五度巡檐笑勝賞江南桃李春薄宦光陰

苦拋擲微吟覓句留陳迹正須嚼藥嗅幽香惆悵明年

我亦客

蓮華寺觀荷

地擁蓬壺勝花開菡萏香一天空色界四面水雲鄉可

以愜幽興因之乘晚涼君看葉深處遊戲有鴛鴦

十月赴苴卻途中卽景

陰雨倏晴霽小陽春氣和窮鄉勞步履熟徑記坡陀霜  
逼將凋葉風颺未納禾僕夫遙指點行已近三柯

三柯地

名

漸歷敝隘處真教跬步艱撥雲披棘刺觸石躡潺湲野  
果駢頭孰巖花滿目斑劇憐垂髻輩結宇盡荒山

一水趨東北來源匯兩姚石支通窰壩木架度邨橋急

瀨清流駛圓沙舊迹消何當春漲盛飛瀑看千條

雙溝瀑布

大姚八景之一

苴跛江

懸巖千丈逼直下若遭阮流水忽然碧澄波如此清據  
鞍隨馬飲橫釣待人行岸柳陰濃處無妨濯我纓

羊蹠江

曲折同衣帶如何日以江聚沙姑作岸累石卽為砥扶  
舉一輿渡喧呼羣語唳蜻蛉細已甚與此合成雙

大把關

翳翳下斜陽曖曖見邨塢荒林老樹邊聚落成三五門  
外放雞豚檐前坐翁媪秋禾旣登場冬菜亦生圃沽酒  
不用帘獵獸或張弩地利本境瘠民俗復推魯生當太  
平時居然稱樂土惟聞靜德僧畏爾採樵斧

各地近方山  
各邨民無

日不竊  
山樹

東郊迎春

逐隊嬉遊躡輦塵  
梅花香裏逐芒神  
衣冠尚覺民情古  
風日先徵物態新  
沸地笙歌喧里社  
登場傀儡鬧城闐  
誰憐華髮蕭蕭叟  
一歲還迎兩處春

正月迎春  
於霑益

庚戌元宵

故鄉今夜月拜埽  
各紛然高冢懸樺燭  
荒阡藝紙錢  
莫嗤風俗陋  
終是子孫賢  
無恙松楸在  
何因滯一天  
故鄉今夜月  
爆竹滿邨中  
埽屋添鐙采  
燒園仗火功  
稻稽薰果樹  
香把照昆蟲  
遙識離孫樂  
空悲白髮翁

祿豐曉發喜晴

碧樹鳥聲喜，征人亦解顏。  
晴雲開嶺嶠，溼霧被荆菅。  
路轉坡三折，谿迴水一灣。  
尚防泥潦滑，不了役夫難。

秋夕

百感此交集，小窗明月陰。  
梧桐支老幹，蟋蟀訴秋心。  
憂患夢如昨，蹉跎人到今。  
生涯三畝在，不必問升沈。

碧雞關曉眺

邕喙不見鳳鳴岡，走馬西來關塞長。  
善鄴城連煙杳杳，昆池波動水茫茫。  
參天松檜添秋色，拔地樓臺映夕陽。  
漢代移文何處覓，碧峽遺迹亦荒涼。

歸途連日苦雨

長日雨廉纖偏符甲子占

諺云秋甲子橋經新漲蓄山雨禾頭生耳

被溼雲黏徑草常侵履邨禾不受鎌夏旱插秧甚遲禾多不成穗苗亦不

秀炊煙隨處斷惻惻念窮閭

豈特輿丁苦衝泥滑達行馬形疲乏態僕有怨咨聲狼  
狽看今日艱難媿此生羨他天外雁飄爾自長征

雨中頓六里箐

帶水拖泥也不妨聊將一飯塞饑腸生寒漸覺衣衫薄  
得飽仍愁道路長小市厨空煙冷澹荒山人靜雨淋浪  
驚聞萬壑奔流吼似倒銀河瀉石梁

大田街

破觚苦為圜，斲璞強名璧。有後遂忘初，由今而變昔。茲地夙荒涼，路徑阻山僻。邨遠人煙稀，瘠土略開闢。低田長禾黍，高原秀薺麥。負耒惟耕夫，牽車少過客。自從道光初，立市樹街柵。遷來黔蜀民，百物互交易。漸興機杼利，鐙火催夜織。闐闐日益多，商賈復增劇。淫巧出其間，奸究亦藏匿。使酒弄刀劍，睚眦動成隙。因之土著民，效尤肆姦慝。衣冠雜詭異，正直易反側。遂令古樸鄉，一變澆漓域。治化良覺難，敢云恥且格。孤惇不撫卹，無以起溝瘠。豪惡不翦除，無以戒非辟。姑息適養奸，將取萑蒲



澤謂寬當濟猛懲一或儆百街民高奎夜靜挾惡少十餘人入孀婦家捉姦縛歐

搶掠同街長索詐多金適余因公經過提案重懲並將街長斥革

### 庚戌除夕

衰遲何苦戀簪裾戀到今朝歲又除  
勸飲兒斟殘臘酒望歸人寄故鄉書  
廿年蹤迹籠中鳥半世勳名竹上魚  
畢竟山林勝鐘鼎餘生莫再負居諸

### 卸任

吏治真慙百不能有誰見愛有誰憎  
一朝便作喪家狗萬里休言搏海鵬  
冷月照人留客館春風催我理行滕  
收場煞鼓皆如此請看東鄰退院僧

交卸日移居署東房與新任為鄰

秋寺

征雁飛飛塔上頭  
深藏蘭若地清幽  
半林落葉荒山路  
一杵疏鐘冷寺秋  
僧杖乍歸雲滿鉢  
佛鐙初上月當樓  
行將看菊來禪榻  
靜誦楞嚴學比丘

次韻子尹墓廬會飲

吾家宅相魏陽元  
築室先依丙舍前  
聊復几筵開上日  
也知哀樂感中年  
結亭磊石多栽竹  
闢沼通池為種蓮  
閒對春風成雅集  
老夫乘興亦陶然

養病

寂寂竟何事  
閉門惟養疴  
擁衾知億甚  
偃火覺寒多  
道

味閒中領春光夢裏過鑪香看篆嫻丈室學維摩

池上偶成

石榴花開梅子黃三尺深水滿池塘小魚跳波大魚戲  
塘邊驚起雙鴛鴦

偶書

秋氣日以深零落裊裊草蜻蛚鳴前庭寒蛸抱枯槁時  
物屢變遷乾坤獨不老殺中有生機造物分遲蚤君看  
後圃菘凌霜自鮮好

策策枯桐樹打窗夜有聲鮮鮮叢桂花繞屋合金英榮  
枯各異態對此傷人情不見東家兒玉顏飾雕瓊不見

西家媪白髮依柴荆

採殘菊插亡兒

兆熙

靈牀前

昔余種冶牆清明節前後灌清復澆肥培質亦云厚冀  
其晚節香秋容瘦而壽豈知未嚴霜先零等蒲柳含英  
曾幾時於邑當戶牖孤花經雨餘其質死已久凋殘頃  
刻耳萬事空諸有對此傷人心老淚迸林藪

壬子十月望夕楊子春莫邵亭

友芝

同集山齋次

東坡汁字韻

養疴歸故山朝朝飲藥汁晚景值冬初空林煙雨溼舊  
交久盡落良會豈肯得二子賁然來慰我情孔急

時余有喪

明之劇談到深更鑪香添睡鴨瓦盆薦茅柴烏用童執  
幕倚坐忽論詩驚咋鰲面赤牽索到老夫自憐頭已白  
拔戟敢先登狸製而暫憤况我失阿宣惟解枯魚泣鄰  
雞欲唱晨圓月行將缺寒燈晃四壁不知誰主客消遣  
勞諸君勿謂非雅集

殘臘積凍連旬癸丑元朝倏爾開霽喜賦

凍雲膠合天夢夢田水結作冰玲瓏啄枝乾鵲噪聲啞  
野梅千樹無春容老夫經旬不出戶呻吟有類號寒蟲  
豈知歲朝忽澄霽六合晃朗光冲融里鄰紛紛賀新歲  
花旛爆竹喧兒童天運窮極固必返否復還泰理則同

行將策杖尋樵蹤往聽百舌呼春風不然放艇隨谿翁  
閒窺錦鯉跳波紅俯仰乾坤亦自得無為齷齪拳局嗟  
龍鐘

閱亡兒詩草感題

少小曾誇玉樹姿雞窗時與細論詩便便腹笥雖差遜  
頗異世閒紈綺兒

宦遊從我幾星霜碌碌深嗟故業荒怪汝書生餘結習  
偷閒弄筆學漁洋

而今人與魄俱逝斷紙零篇何用哉  
棖觸老懷添淚落  
梨花寒食不勝哀

邨居春晚

水滿清谿花滿林鶉鳩嘯雨青春深野煙一抹夕陽斂  
山翠四圍浮靄陰碕岸森森竹抽筍平田淺淺秧冒鉞  
撫時觀物獨休憇門徑蒼然誰見尋

初夏閒步至禹門寺前

適興不在遠探幽何必深脫巾偶獨步頓生塵外心筇  
竹聊可倚苔磴悠然尋俯瞰崩崖石仰矚興雲岑澄潭  
養澹沲茂樹交清森唼荇鯉翻浪嘯枝鸝弄音重以風  
日美復此藤蘿陰眾綠結高幄微涼襲虛襟寓目豈殊  
昔攄懷方至今行歌曳杖歸歌我還山吟

桂岡卽目

別業無多此最宜  
揖青樓敞可棲遲  
竹籬旁接橫斜路  
篔水分流上下池  
風動桂林枝繚繞  
露凝荷蓋影參差  
相從難得羊求侶  
長日同消一局碁

培植由來非一朝  
卽今品類盡夭喬  
紅薇時引穿花蝶  
綠柳深藏抱葉蜩  
蟠曲古藤能附木  
檀欒修竹不彈蕉  
葛巾野服吾衰矣  
咫尺林亭足避鷲

往小谿

求田問舍欲何之  
惆悵西風落葉時  
身荷天憐成老醜  
室防鬼瞰啟危疑  
詎同狡兔營三窟  
且學鷦鷯寄一枝



本不避人聊避地遼東皂帽是吾師

自小谿歸

百里山程遠言歸遲暮天寒雲韜古澗積雨漲荒田路  
出楓林外車停石徑邊乾坤莽蕭瑟撫景意茫然

避地石阡

婁山關前烽火紅天狗墮地聲隆隆約約奔迸頑浪胸  
環城鼎沸攢賊鋒長戈利矛森撞春一條殺氣纏蒼穹  
探丸惡少乘釁攻黑夜剽掠羣肆兇邨民逃竄荆棘叢  
風聲鶴唳皆兵戎豺虎磨牙闖我墉蒼黃出走思潛蹤  
提攜幼稚心為恫負蟹如駟虛蛩蛩蒙犯霜露踰湄龍

驚魂稍定相唵喁夷州山水清而雄米鹽價賤薪炭充  
結鄰聊爾作寓公亦有新知常過從吁嗟乎梁生賃廡  
遷吳中管甯皂帽居遼東古人避患猶冥鴻今我胡為  
歎飄蓬祇愁故鄉邨落十九空側身西望消息何由通

夜坐

半夜開門月滿階閒庭顧影與誰偕眾雛爛漫方酣睡  
始覺童蒙趣味佳

徐受之諸子邀遊伴雲寺

巉巉青不斷杖履躡雲根老樹通樵徑懸崖敞寺門人  
煙城市晚香火佛堂溫離亂牽愁緒何勞載酒尊

移居

蝸廬託處動淹旬，繞屋兒啼苦厭嗔。  
匪以囂塵嫌近市，直緣偏側礙延賓。  
山中桂樹欣招隱，世外桃源許問津。  
便學華陽貞白叟，往依東澗接芳鄰。

正初寓樓遣心

向晚眺平川，漠漠啟靈橋。  
畔煙鐙火樓臺，渾莫辨一川。  
沙水餘清，妍曉來瞻滌嶸。  
皚皚五老峰頭雪，玉龍銀鶴。  
滿天飛晃朗，乾坤兩奇絕。  
恨不能化飛仙，振衣高步凌雲煙。  
又不耐冒風雪，驢背襄陽態。  
清潔黨家侈飲羔兒酒，銷金寶帳我何有。  
焚香煮茗讀南華，老儒風味樂乎。

否

聞家鄉賊平消息

觸鬪蠻爭各論功  
羸顛劉蹶孰雌雄  
大鑪不喜聞金躍  
下策無如用火攻  
擾擾是非評燕蝠  
紛紛得失歎雞蟲  
道人擁褐階前坐  
雲散青天月滿空

題夏鳳生

純儀

尊人畫冊

幽巖巉壑高人筆  
碧澗清泉處士廬  
領取畫中佳境在  
玲瓏石外竹蕭疏

當門不礙樹槎枒  
茅屋旁連石徑斜  
幾曲芭籬相掩映  
清風涼透綠窗紗

託處繁陰老樹邨圖書滿室度朝昏青山流水添幽興  
可是先生獨樂園

布景天然古澹宜苔皴石瘦露幽姿雲林邱壑分明見  
想到含毫得意時

僑居日久齋廚索然作此自遣

巢林感孤禽伏櫪慙老馬謝客門常關卜鄰宅久假狀  
貌哀龍鍾衣冠變邨野手或繙文史口不道風雅夕膳  
少蒸豚晨羞乏醢鮓厨冷減薑鹽餅罄閣杯斝梁無幸  
有麤豆漉尚流苴頻叨地主恩開園送菜把飽食亦庶  
幾羈棲聊苟且澹中領味濃局外知音寡故業重追尋

清吟自攄寫食糠覈而肥差勝食言者

謂邦君

### 飯後閒步

眠食幸無損莫將衰朽嗟嫩蔬甘似肉緩步穩於車履  
石先搯杖逢村便看花祇因師杜老乘興卽為家

### 自石阡歸

萍蓬蹤迹合當歸中路何須歎式微憂患疊經徵道力  
升沈早定識天機逼人炎暑日三伏送客高低山四圍  
畢竟此身無倚著故鄉何處稻梁肥

歸後擬就  
食北鄉

### 谿岸

散步苔磯畔涼天起夕陰沙痕侵岸濶巖影入谿深嘶

柳寒蟬曲歸林老鶴心琴洲鄰咫尺扶杖懶重尋

山樓聽雨

云何炎暑威逼令汗流赭人身非金石能禁幾陶冶天  
公肯垂憐興雲倏被野清風埽庭梧急雨飄檐瓦頃刻  
亂荷喧羯鼓千聲打遙知紫虛表天門豁豁間排雲出  
神仙旌蓋列萬把噓吸胡髯龍蹕蹕風鬃馬令嚴雷電  
轟魄喪山精啞釣樂酣笙鐘瓊漿進杯罍投壺玉女嬉  
咳唾仙官嘯功祇在須臾澤已徧函夏洗我煩惱胸倚  
樓足瀟灑收拾憫農心准備報功社無事效前期雲漢

歌周雅

月前  
禱雨

極目

已凋蘭蕙又凋桐慘澹秋容處處同  
旅雁迴翔違朔雪林蟬淒咽怨西風  
蒹葭浦外涼波綠橘柚村前夕照紅  
極目蕭條人事改那堪藜杖伴衰翁

時運

遷流時運似波墮散朴溲漓莫挽回  
山寺粥香窮子趁田家酒熟野賓來  
百錢斗米仍艱窘匹布斤棉少翦裁  
誰遣斯民貧到骨濟施無術為心摧

雜感

人誰饑不食而欲荒田園人誰老不死而欲求神仙蓬



瀛杳何許嵩少空雲煙豈有血肉身能拍洪崖肩不如  
課耕奴力穡期逢年饗殮苟麤給一飽圖酣眠低頭理  
經史委心任自然不務生所無聞之莊叟言

作善云降祥善者未必昌不善云降殃惡者未必亡天  
道頗茫昧人事日披猖風波起平陸覆斜出康莊甘言  
釀腊毒禍機稔凶腸溘利慮生孽伎求何用臧明哲慎  
自愛幸毋撓強梁天定或勝人占坤姑括囊

誰謂我無耳媿非跋難陀誰謂我無目媿非那律多已  
懲世態薄復厭民言訛衣冠蔑禮教草澤興干戈亂絲  
不可理玷圭不可磨泯泯焚焚中何計能搗訶願收視

反聽入定同僧伽滅除聞見根以養無妄疴

憫亂

瀕洞兵戈亂蒙茸妖氣纏丹心懸紫極白首望蒼天  
家國艱難日乾坤戰伐年西南亦王土無處不烽煙

蠢爾頑苗族蠱屯蟻聚同勦除期將勇征繕惜民窮野

哭連邨落夷歌滿市中傷心澹園叟止水效文忠都勻失守

聞陶子俊方伯自沈於後池

桂岡探梅九言九句

山青水碧中間置我家旁繞平岡一帶竹籬遮雜植楸  
梧槐柳松栴桂復有幾株梅樹枝槎枒胎孕生機力與

冰霜傲撐持滿身蓓蕾橫而斜使我探望徘徊三歎嗟  
祇今干戈滿地客愁絕汝何不畏摧殘猶作花

倚竹看松

森森肅肅竹君子鬱鬱蒼蒼松大夫可有虛心偕我並  
也知俗骨到公無斷崖瘦節湖州筆怪石臞僧韋偃圖  
閒與寒梅結幽契山林勿謂友朋孤

紅藤杖

紅藤杖來自大侯州外之炎荒天雞唬血浸漬入九地  
名雞血藤赤龍拔須飛舞逾瀾滄精氣融結化為千歲藥磊  
砢卷曲高並鳶蘿長截以為杖柔韌而輕健疑是夸父

所棄得之鄧林旁同僚貽贈良有意乃欲助我筋力强  
曾挾孤藤往來滇海上東眺碧雞金馬西點蒼登峰涉  
澗兩足躡輕屐一條紫玉與我同低昂自從歸故山遊  
蹤頓落寞此杖亦投閒牀頭空倚閣噫嘻天生汝材有  
用非無功策之尚可陟崆峒升華嵩胡為乎鬱鬱久居  
此不得往從商洛之綺里季夏黃公

石頭山晚眺

拂袖風煙冷登臨感慨長草枯山石瘦稻穫野田荒萬  
樹攢秋色千峰戀夕陽苔封香火院古佛歎淒涼

子尹以次放翁韻詩見貽復次其韻

忽忽悠悠度歲年  
瞻前顧後兩茫然  
林泉杖履成孤往  
土木形骸息萬緣  
閱世始知貧可賀  
承家未信老而傳  
著書亦是名山業  
無柰疲牛不受鞭

撫序哀時百慮增  
桑榆暮景異飛騰  
難逢舊雨來聯袂  
嬾向春風看試鐙  
目眊自憐書潦草  
頭輕不礙髮鬢鬢  
才名敢望山陰叟  
養拙窮鄉我尚能

東歸

四月倏已半耕桑  
何太稀斜陽照墟落  
避難人初歸山  
靜巖薇老林空煙火微  
且忻二麥熟稍度疲民饑

蚺石齋詩鈔卷第四

日本東京 木邨嘉平刺

黔中以著作名世者代不乏人而原本經術發為詠歌  
前明崛起一孫文恭公 國初僅有陳定齋先生繼之  
他罕其匹近今惟我外大父雪樓黎府君為無媿斯詣  
府君本儒者績學數十年出經入史靡籍不究而一歸  
本程朱風雅其餘事也故生平不多屬筆然有所構思  
則必內抒性情外關風教允合溫柔敦厚之旨而無噍  
殺之音非徒侷聲揣色區區貌文字之工已也第性不  
喜浮譽罕舉示人人亦匙識能詩者惟私授子弟輩焉  
耳先君子於府君為甥少從受業講詩法今聲施籍甚  
南北已數十年而府君為先河其詩卓有可傳乃名不

出里閑則崇尚實學無沽名心於茲可見咸豐辛亥府君以貳守解組歸林下先君子嘗請出舊稿繡梓質諸世府君固辭越十二年為同治癸亥秋府君歸道山伯庸舅氏返自湖北始與先君子商刻遺集為編緝成卷不幸相繼卽世又逾年乙丑夏介亭叔舅乃克校刊成帙是能壽府君不朽之名並副先君子先舅未完之志矣知同於府君道德文章無任稱美特痛先君子未序茲集罔克覩其成不敢不敬述梗概用畢先君子素願亦以諗世之讀府君詩者文辭謏陋在所不計云外孫鄭知同謹書